

元史本證

元史本證卷二十二

證誤二十二

蕭山汪輝祖 男繼培補

張立道傳

除忠慶路總管 案地理志忠當作中

三十七年北京地陷人民震驚命立道爲本路總管未行安南世子陳日燁遣其臣嚴仲羅陳子良等詣京師請襲爵云云遂授禮部尙書佩三珠虎符賜衣段金鞍弓矢以行至安南界云云乃先遣其臣阮代之何惟巖等隨立道上表謝罪 案紀至元二十五年改北京爲武平路此繫舊名誤也使交趾在二十八年以阮代之等至闕在二十九

年傳並敍于二十七年亦誤

張惠傳

至元元年冬遷參知政事行省山東 案紀在八月冬字疑

誤

十二年春宋降 案二當作三

譚資榮傳

譚資榮 案譚當作覃證詳譚澄傳

興德懷來人 至 時年四十 案敍資榮止一百十五言詳其

子澄事澄在良吏傳當云自有傳然兩傳事多不同亦可

互證也

王惲傳

裕宗在東宮惲進承華事略其目曰廣孝立愛端本進學擇術謹習聽政達聰撫軍崇儒親賢去邪納誨幾諫從諫推恩尚儉戒逸知賢審官凡二十篇 繼培案裕宗傳載承華事略篇目撫軍下有明分無知賢

裕宗覽之至漢成帝不絕馳道唐肅宗改服絳紗爲朱明服心甚喜曰我若遇是禮亦當如是又至邢峙止齊太子食邪蒿顧侍臣曰一菜之名遽能邪人耶詹事丞孔九思從旁對曰正臣防微理固當然太子善其說賜酒慰諭之令諸皇孫傳觀稱其書宏益居多 繼培案孔九思裕宗傳

作張九思

有傳

此誤漢成帝以下已見裕宗傳此尤複當刪

但云裕宗善之令諸皇孫傳觀云云足矣

陳天祥傳

萬戶鄭鼎臣 案卽鄭鼎有傳

劉宣傳

二十三年十二月 案上已書二十三年此衍

何榮祖傳

詔命榮祖與左丞郝禎參政耿仁傑鞠之 案宰相表至元

十六年十七年郝禎耿仁同爲參政十八年十九年同爲

左丞無郝爲左丞耿爲參政之時以耿仁爲耿仁傑亦誤

賀仁傑傳

四川制置使張珏守重慶至呂或至都以兵事告許衡案

凡一百四十餘言已詳或傳此宜節

劉哈刺入都魯傳

本姓劉氏 繼培案傳首已繫姓不當又云本姓劉氏竊意
哈刺入都魯賜名後卽不書姓與蒙古同故國史立傳云
本姓劉氏修史時冠姓于名而又失刪此四字也

石抹明里傳

姓石抹 案傳首已著姓不當又云姓石抹

張九思傳

上黨宋道 案本傳作宋衡

王伯勝傳

元貞元年進階嘉議大夫成宗卽位復進通議大夫 案繫

卽位于改元之後誤

五年扈從大都 案五年上失書大德

尙文傳

七年召拜中書右丞 案紀作左丞宰相表同此誤

梁德珪傳

至元三十一年拜參知政事 案上已書至元此衍

大德閒成宗卽位 案成宗卽位改元元貞復改大德此誤

鄧文原傳

至順五年制贈文原江浙行省參知政事 案紀至順四年

順帝改元元統未嘗有五年也

齊履謙傳

字伯恒 案失書里居

崔斌傳

十年拜行中書省參知政事云云進資善大夫行中書省左

丞 案紀爲參政在至元十一年左丞在十四年傳並敘

於十年誤

崔咸傳

先是或得玉璽於故臣札刺氏之家至授於成宗 案得玉璽事見成宗紀及按札兒傳又于楊桓傳詳書之且据按札兒傳則按札兒曾孫闕闕出得之拾得家以示或或請獻之徽仁裕聖皇后亦非或得也此複而誤

葉李傳

會桑哥事敗頗連及同列久之李獨以疾得請南還揚州儒學正李淦上書云云 案桑哥傳世祖遣諭旨翰林諸臣以丞相領尙書省漢唐有此制否咸對曰有之翊日左丞葉李以翰林集賢諸臣所對奏之且言前省官不能行者平章桑哥能之宜爲右丞相制曰可遂以桑哥爲右丞相

於是桑哥奏以葉李遷右丞本傳李淦言葉李舉桑哥之罪而不書此事則未見其實也

劉廣傳

洛水人 案肅傳已書里居此當刪

祖肅爲右三部尙書 案肅傳右當作左

六年奉使宣撫陝西 案紀在大德七年

郝天挺傳

又遷四川省參政及江浙行省左丞俱不赴拜中書右丞成宗崩武宗入正大統定策之際天挺與有力焉 案武宗

紀大德十一年七月以江浙行省左丞郝天挺爲中書左

丞時武宗卽位兩月矣

宰相表同

傳敍于成宗時又以左丞爲

右丞皆誤

張珪傳

皇慶元年拜樞密副使延祐二年拜中書平章政事 案紀

拜平章亦在皇慶元年十二月

李孟傳

至元十四年云云後以事至京師中書右丞楊吉丁一見奇
之薦于裕宗 案楊吉丁名不再見疑卽成宗紀右丞楊
炎龍

至大三年三月特授榮祿大夫中書平章政事集賢大學士

同知樞密院事 案紀在正月

至治九年卒 案至治無九年疑元年之誤

敬儼傳

詔設科舉儼薦臨川吳澂金陵楊剛中爲攷試官得人爲多
其年冬移疾退居眞州除江南諸道行御史臺侍御史不
赴四年春詔促就前職以疾辭 案此四年上脫延祐二
字然攷仁宗皇慶二年冬十月行科舉詔天下以皇慶三
年八月天下郡縣與其賢者能者充貢有司則澄與剛中
主試當在延祐元年儼之拜侍御又不知在何年矣吳澂
卽吳澄本傳云撫州崇仁人此云臨川人亦異

五年五月拜中書參知政事 案紀在四月

泰定四年九月帝特署爲中政院使云云是月拜中書平章
政事云云天曆改元居月餘傷足告歸 案紀拜平章在
天曆元年十一月此書于天曆改元前誤

曹伯啟傳

御史觀音奴等 繼培案英宗紀及各傳皆作觀音保此誤

王壽傳

未幾更拜左丞 案武宗紀作右丞宰相表同此誤

謝讓傳

二年朝廷以吏多滯事 案此繫于仁宗卽位之後下又有

四年十月皆不書紀元誤也

乃入白於宰相曰尙書言是也 案曰上有脫文

趙師魯傳

霸州文安縣人 攷異云縣字衍

張思明傳

延祐三年拜中書參知政事 案紀在四年宰相表同此誤

仁宗卽位 案上已書皇慶延祐年事此復云仁宗卽位僞

矣

及拜住爲左丞相與帖木迭兒各樹朋黨賊害忠良思明懼

禍及累表辭不獲後竟誣以不支蒙古子女口糧餓死四

百人遂廢於家 攷異云案拜住賢相何至有賊害忠良之事此史之誣也攷拜住傳鐵木迭兒引參知政事張思明爲左丞以助已思明爲盡力忌拜住方正每與其黨密語謀中書之二年七月奏召思明詣上都數其罪杖而逐之與此傳所云正相矛盾文宗紀天曆二年御史劾奏張思明在仁宗朝阿附權臣鐵木迭兒聞謀兩宮仁宗灼見其姦既行黜降及英宗朝鐵木迭兒再相復授爲左丞稔惡不悛竟以罪廢今又冒居是官宜從黜罷詔罷之然則思明之爲人大略可知本傳多曲筆未足深信

天曆二年復以中書左丞召入覲慈仁殿數陳累朝任賢使

能治民足國之道因以衰老辭帝未允明日卽移告去
案紀思明爲監察御史劾罷而傳云移告亦飾詞也

吳元珪傳

至治元年英宗卽位 案繫卽位于改元之後誤

張昇傳

至大初改太常寺爲太常禮儀院 案紀在大德十一年

元統元年順帝卽位 案誤同吳元珪傳

王約傳

約首奏河南行省丞相卜憐吉台勦閣舊臣不宜久外召至
封河南王 案卜憐吉台卽不憐吉帶封河南王紀在延

祐元年此書皇慶改元下誤

至治元年英宗卽位 案誤同吳元珪傳

王結傳

臨川吳澄 案本傳云撫州崇仁人

賀勝傳

至元二十八年桑哥敗罷尙書省政歸中書以勝參知政事

案上已書至元此衍紀是年二月賀勝爲尙書省參知

政事五月罷尙書省事改參知中書政事傳失書尙書省

初開平人張弼家富弼死其奴索錢民閉弗得歐負錢者至

死有治其獄者教奴引弼子并下之獄丞相鐵木迭兒受

其賂六萬緡終不爲直勝聞弼事以語御史中丞楊朶兒只朶兒只以語御史王龍帖木兒徐元素遂劾奏丞相逮治其左右攷異云案鐵木迭兒傳云上都富人張弼殺人繫獄鐵木迭兒使家奴脅畱守賀伯顏即賀勝使出之伯

顏持正不可撓而朶兒只已廉得丞相所受張弼賂有顯徵乃與蕭拜住及伯顏奏之楊朶兒只傳與此略同與此傳互異彼

云弼殺人繫獄此云弼家奴殺人而引其子彼云鐵木迭兒脅勝使其獄不可又與楊朶兒只共奏之此云勝聞弼事以語朶兒只不與同奏又此傳云鐵木迭兒受賂六萬緡鐵木迭兒傳云受弼鈔五萬貫而楊朶兒只傳云受

弼賊鉅萬萬皆其異也

楊朶兒只傳

江西寧夏人 案本史傳例以蒙古色目爲一類漢人南人爲一類河西乃色目朶兒只與察罕曲樞諸人同時當在列傳第二十三四卷今與漢人並列誤矣

趙世延傳

其先雍古族人 案雍古亦色目誤與楊朶兒只傳同

繼培案仁

宗紀延祐元年省臣奏漢人參政用儒者趙世延其人也帝曰世延誠可用然雍古氏非漢人其署宜居右則色目之與漢人當時已不能辨矣

曾祖黜公爲金羣牧使太祖得其所牧馬黜公死之 案按

竺邇傳黜公爲金羣牧使歲辛未驅所牧馬來歸太祖終其官與此異

祖按竺邇至文州吐蕃萬戶達魯花赤 案按竺邇自有傳此贅

野峻台黃州路總管 案當云野峻台自有傳在忠義傳敘官贅

虞集傳

宋丞相允文五世孫也 案允文傳在宋史此應書里居

歐陽元傳

延祐元年詔設科取士 案仁宗紀在皇慶二年

宋本傳

蒙古千戶使京師宿邸中適民間朱甲妻女車過邸門千戶
悅之并從者奪以入朱泣訴于中書旭滅慄底不問 繼
培案張珪傳云比者也先鐵木兒之徒遇朱太醫妻女過
省門外強拽以入姦宿館所事聞有司以扈從上都爲解
竟弗就鞠當卽一事而傳聞異詞也

謝端傳

史杞宣慰荆南數加延禮薦之姚樞 案瑞卒于順帝至元
六年年六十二溯其生年當在世祖至元十六年姚樞傳
云卒于世祖至元七年安能見端傳誤甚矣攷異云姚樞
是姚燧之譌

申忠誠傳

吏部尚書僕哲篤左司都事武祺等建言更鈔法 攷異云
思誠與僕哲篤論鈔法已見食貨志

李好文傳

西蜀奉使以私憾摭拾廉訪使曾文博僉事兀馬兒王武事
文博死兀馬兒誣服武不屈以輕侮抵罪好文曰奉使當
問民疾苦黜陟邪正今行省以下至于郡縣未聞舉劾一
人獨風憲之司無一免者此豈正大之體乎率御史力辨
武等之枉并言奉使不法者十餘事 攷異云案此時奉
使西蜀者荅爾麻失畢王守誠也守誠傳云初四川廉訪

使某與行省平章某不相能誣宣使蘇伯延行賄于平章某瘕死獄中至是伯延親屬有愬會茶鹽轉運司官亦訟廉訪使累受金廉訪使倉皇去官至揚州死副使以下皆以事罷憲史四人奉差一人籍其家而竄之餘皆斥去卽好文所云風憲之司無一免者也被傳稱奉使風采聳動天下論功爲諸道最而此傳言其私憾摭拾人罪并諸不法事褒貶互異如此何以取信後世乎

任速哥傳

泰定中倒剌沙用事天變數見速哥乃密與平章政事速速謀案文宗紀致和元年七月泰定帝崩八月甲午燕鐵

木兒掌樞密符印前湖廣行省右丞速速爲中書左丞戊午爲中書平章政事泰定中速速未爲平章政事也傳誤又爲都水使者居官恂恂無幾微自伐之意人或詢以翊戴之事往往遜謝終無所言君子尤以是多之案傳不詳所終且泰定當亡而先謀立懷王臣節戾矣因其不以翊戴自伐而曰君子多之曲筆也

李稷傳

至正十九年丁母憂案上文已有至正此衍

陳祖仁傳

太監縣尹案地理志太當作泰

成遵傳

至正十七年陞中書左丞階資善大夫分省彰德 攷異云

案順帝紀至正十七年詔中書右丞也先不花御史中丞

成遵奉使宣撫彰德大名廣平東昌東平曹濮等處獎勵

將帥百官志同是遵之往彰德乃奉使宣撫非分省也遵以至

正十七年拜左丞紀表失載其月日而由左丞除御史中

丞則表繫之九月蓋以中丞奉使使旋仍入中書傳既漏

除中丞一節又誤書奉使爲分省皆失之甚者也凡以省

官出鎮謂之分省遵既除中丞以行則是臺官非復省官

故知本傳所書分省者傳聞之訛也

曹鑑傳

泰定七年 案紀泰定止四年七字誤

張翥傳

因受業於李存先生 案稱先生非例下仇遠先生誤同

遂曾曾傳

天曆二年進士第 案二當作三

元史本證二十二

光緒十五年 徐氏鑄學齋重刊

上虞王士濟校

元史本證卷二十三

證誤二十三

蕭山汪輝祖 男繼培補

儒學傳一

許謙

其先京兆人 至 謙五世爲金華人 攷異云此傳敍先世

凡八十言乃誌狀之文無當於國史當盡刪之但云婺州

金華人

陳櫟

臨川吳澄 案本傳云撫州崇仁人

儒學傳二

熊朋來

豫章人

案元無此郡縣名

牟應龍

其先蜀人後徙吳興

案元無吳興名

陳旅

適御史馬雍古祖常使泉南

案祖常爲雍古人綴於名則

贊矣

字文公諒

祖徙吳興今爲吳興人

案誤同牟應龍傳

至順四年登進士第

攷異云卽元統癸酉歲也

良吏傳一

譚澄

父資榮金末爲交城令至舉弟資用自代案資榮自有傳

此贅世祖紀至元十一年十二年並作覃澄亦與傳異攷

云王憚中堂事紀亦有懷孟總管覃澄又見交城縣萬卦山石刻辛卯年中書省公據後列交城縣長官覃資榮名又濟源縣濟瀆廟有中統元年祭濟瀆碑後列懷孟州總管覃澄名又中統五年濟祠投龍簡碑文稱總管覃侯後列宣授懷孟路總管覃澄名可證資榮父子本姓覃而傳作譚者誤也

以其弟山代爲交城令案資榮傳名山阜此脫阜字

許楫

幼從元裕學案當作元好問證詳郝經傳

卜天璋

丞相順德王當國 案順德王乃哈刺哈孫薨後追封此當

稱名

良吏傳二

林興祖

至治二年登進士第 案紀當作元年

忠義傳一

李伯溫

守賢之孫毅之子也 攷異云李守賢傳末亦云毅子十一

人伯溫見忠義傳與此文合及攷其傳首云金大安初守

賢暨兄庭植弟守正守忠從兄伯通伯溫歸款則伯溫乃
守賢之從兄前後自相矛盾今據此傳稱伯溫長兄惟則
次伯通歲甲戌錦州張致叛國王木華黎命擊之大戰城
北伯通死焉若伯溫爲守賢之孫則伯通亦守賢孫矣守
賢以甲午歲卒年四十六則甲戌歲年僅二十六安得有
孫且能履行陳乎毅卒於至元七年庚午年四十九溯其
生年當在壬午守忠以丁亥歲被執伯溫亦失利死節其
時毅才六歲耳而更以伯溫爲毅子何其謬乎推求其故
此傳之誤實因於守賢傳然彼傳云伯溫見忠義傳者因
篇中有與從兄伯通伯溫歸款之文牽連書之非謂伯溫

在穀子十一人之數也史家不諳文義遂至謬妄乃爾繼
培案太祖紀張致叛錦州在乙亥其甲戌叛者乃張鯨也
子守正自幼時嘗質於木華黎 攷異云據李守賢傳則守
忠守正與伯溫爲從昆弟此傳旣云平陽已陷弟守忠被
執伯溫謂左右曰吾兄弟仗節擁旄受方面之寄吾弟已
被執我不可再辱則亦以守忠爲伯溫弟矣守忠爲守正
之兄則守正亦伯溫之弟而此乃云子守正竟似守正守
忠皆伯溫子一篇之中自相矛盾如此

歲庚寅上黨晉陽合兵攻汾州將陷守正以義赴援 攷異
云案守忠死於丁亥四月而守正之戰歿更在其前庚寅

在丁亥後四年守正死已久矣此事有誤或云當爲庚辰之譌

耶律忒末

父丑哥仕遼爲都統遼亡不屈節夫婦俱死焉金主憫其忠義授忒末都統歲甲戌國兵至金遷於汴忒末及子天祐率衆三萬內附致異云案遼亡於乙巳歲至元太祖甲戌相距九十載使忒末果於遼亡時授官計其年當近百歲豈復能從征又閱十餘年而戰歿乎

伯八

祖明里也赤哥嘗隸太祖帳下初怯烈王可罕與太祖爲鄰

國誓相親好既而敗盟與其子先髡潛謀欲襲太祖因遣使通問許以女妻太祖弟合撒兒至期太祖欲往明里也赤哥疑其詐諫止之繼培案太祖紀帝欲爲長子朮赤求婚於汪罕卽王可罕女抄兒伯姬汪罕之子禿撒合亦欲尙帝女火阿眞伯姬俱不諧自是頗有違言歲癸丑汪罕父子謀欲害帝乃遣使者來曰向者所議媼事今當相從請來飲布渾察兒帝以爲然率十騎赴之至中道心有所疑命一騎往謝帝遂還與此異

忠義傳二

郭嘉

濮陽人祖昂父惠俱以戰功顯 案郭昂傳作彰德林州人

樊執敬

諡 案諡失書

忠義傳四

趙宏毅

嘗受經於臨川吳澄 案澄傳云撫州崇仁人

孝友傳一

王薦

福寧人 案文宗紀至順元年福州王薦以隱逸旌門傳云
至大四年宣慰司上狀旌之亦不以隱逸豈兩旌耶

尹莘傳

汴梁洧川人 案紀至順元年以汴梁尹莘孝行旌其門此
作莘未知孰是

隱逸傳

張特立

州多金國戚至遂歸田里 案其二百十餘言皆仕金事且
與隱逸無涉非史例也

列女傳一

闕文興妻王氏

至順三年事聞贈文興侯爵諡曰英烈王氏曰貞烈夫人

案順帝紀元統二年贈文興英毅侯王氏貞烈夫人廟號
雙節當是事聞於至順三年而贈在元統二年英烈英毅
未知孰是然成宗紀大德元年十二月已書旌表烈婦漳
州招討司知事關文興妻王氏則又在至順先矣

李君進妻王氏

買哥妻耶律氏 案買哥爲耶律阿海子妻耶律氏阿海傳
作移刺氏耶律移刺聲本相近故劉秉忠傳稱耶律楚材
爲移刺中丞阿海子買哥及五世孫忽都不花皆娶移刺
氏蓋同氏而不同姓也

列女傳二

也先忽都

蒙古欽察氏 案欽察乃色目非蒙古

王時妻安氏

時以參知政事分省太原 案地理志太原當作冀寧

方技傳

田忠良

十二月諸王昔里吉劫皇子丞相以入海都 案紀事在至

元十四年七月傳繫于十二年十二月疑誤證詳世祖紀

姦臣傳

阿合馬

回紇人也 案下文述世祖語稱回回人

秋八月罷領中書左右部併入中書超拜阿合馬爲中書平

章政事 案世祖紀在至元元年十一月

十五年四月中書左丞崔斌 案斌傳乃江推行省

以忽辛爲中書右丞 案紀至元十六年乃潭州行省

右丞燕帖木兒 案卽崔斌小名當作左丞

叛臣傳

李璫

太祖十六年全叛宋舉山東州郡歸附太師國王孛魯承制

拜全山東淮南楚州行省 攷異云案李全之降據太祖

紀在二十一年丙戌歲 此誤且木華黎以太祖十八年卒而

李魯嗣之若云十六年則李魯未為國王也

外國傳

高麗

十三年帝遣哈只吉劄刺等領兵征之高麗王名奉牛酒出

迎 案太祖紀是年高麗王瞰降本傳瞰名亦屢見此云

名闕何失檢至此

自大德二年復位八年而薨 案紀距自大德二年復位至

武宗至大元年薨凡十一年

諫則更名章云 案諸王表章當作璋

日本

元世祖之至元一年 案一當作元

十八年正月命日本行省右丞相阿剌罕 案本傳作左丞

相

范右丞李左丞 案范名文虎李名庭

十萬之衆得遺者三人耳 繼培案相威傳云士卒十喪六

七阿塔海傳云喪師十七入李庭傳云士卒存者十無一

二此又云得遺者三人彼此互異乃傳前云阿剌罕等率

十萬人征日本此亦云十萬之衆而中復云棄士卒十餘

萬於山下更自相矛盾矣

安南

至元四年十一月詔封皇子爲雲南王往鎮大理鄯闡交趾諸國 繼培案紀封王在八月出鎮在九月

亡宋官蘇少保子蘇寶章陳尙書子陳丁孫 案少保名劉義尙書名宜中並見世祖紀至元十三年

緬

大理路蒙古千戶忽都 繼培案信苴日傳作萬戶

二十年十一月相吾荅兒命也罕的斤云云破其江頭城案紀在二十一年正月也罕的斤傳同

占城

十五年右丞陵都以宋平遣人至占城還言其王失里咱牙
信合入刺哈迭瓦有內附意詔降虎符授榮祿大夫封占
城郡王 繼培案世祖紀封占城郡王立占城行省以唆
都爲右丞在至元十八年唆都傳亦云十八年改右丞行
省占城此誤

十六年十二月遣兵部侍郎教化的總管孟慶元萬戶孫勝
夫與唆都等使占城諭其主 繼培案紀十七年十一月
遣宣慰使教化孟慶元等持詔諭占城國王豈再往耶

本證十七

九

會稽徐氏重聚

光緒十五年徐氏鑄學齋重刊

上虞王士濟校

元史本證卷二十四

證遺一

蕭山汪輝祖 男維培補

本史之例五行地理百官諸王宰相紀皆瑣悉書之然事當詳於志表不必復舉所遺也錄其要者如左

明宗紀

廟號明宗 案文宗紀天曆二年十月國言諡號曰護都篤皇帝順帝紀至元六年十月甲申奉玉冊玉寶尊皇考爲順天立道睿文智武大聖孝皇帝

順帝紀

至正十七年 案百官志入選舉是年三月廷試舉人賜倪

徵王宗嗣等進士及第進士出身同進士出身有差凡五十有一人

天文志一

天文五行皆有志而紀之所書或倍之詳略失當矣要非若地理百官之足資攷證也惟日食爲天變之大俱案紀補之

日薄食 案紀大德元年四月癸巳朔日有食之 至元四年八月癸亥朔日有食之 至正二年八月庚子朔日有食之 十月己亥朔日有食之 五年九月壬午日有食之 六年二月庚戌朔日有食之 七年正月甲辰朔日有

食之 八年七月丙申朔日有食之 九年十一月戊午朔日有食之 十五年五月己酉朔日有食之 十二年四月癸卯朔日有食之 十三年九月乙丑朔日有食之 十七年正月丙子朔日有食之 二十年五月丁亥朔日有食之 二十七年六月丙午朔日有食之

地理志一

建置沿革因地設官紀詳而志佚者錄之地名不見於志者附錄各省之末荒遠弗登遵本史例也

中書省大都路至元二十一年置大都路總管府 案紀至元二十七年改都總管府

警巡院 案紀大德九年置大都南城警巡院至大三年增

大都警巡院二分治四隅

薊州豐閏縣

至元二年省入玉田四年以路當要衝復置

案紀至元十三年薊

州復置豐閏縣疑四年後又嘗罷矣

攷異云案孫慶瑜豐閏縣記太祖庚辰歲

陸豐閏爲閏州至元初并入玉田未及周歲縣治仍舊志不言陸州事史之漏也又及世祖紀稱至元十三年薊州復置豐閏縣今據慶瑜記成于至元七年其時慶瑜正爲縣令則紀書十一年復置者誤矣

上都路順寧府中統四年改宣德府 案紀延祐五年以宣

德府隸大都路泰定元年以宣德府復隸上都畱守司

保安州領一縣永興 案紀延祐六年併永興縣入奉聖州

印保
安州

蔚州 案紀至大元年陞蔚昌府

興州領二縣興安宜興 案紀天歷元年陞宜興縣爲州後

至元五年革興州興安縣

興和路金陞撫州 案世祖紀歲甲寅

憲宗四年

復立撫州中統

三年陞撫州爲隆興府

志同

至元四年析上都路隆興府自

爲一路行總管府事至大元年降隆興爲源州四年罷中

都留守司復置隆興路總管府皇慶元年改隆興路爲興

和路

懷安

元初隸宣德府中統三年來屬

案紀至元十七年隆興路楊門站復

爲懷安縣是中統三年後曾廢也

寶昌州金置昌州延祐六年改寶昌州 案紀以故昌州寶

山縣置

永平路灤州金領義豐馬城石城樂亭四縣元至元二年省
義豐入州三年復置先以石城省入樂亭其年改入義豐
案英宗紀延祐七年併永平路灤邑縣於石城是石城
于至元三年後復置本路又別有灤邑縣也

德寧路領縣一德寧 案紀大德九年以黑水新城爲靖安
路延祐五年改靜安路爲德寧路靜安縣爲德寧縣

秦寧路領縣一秦寧 案紀延祐二年改遼陽秦州爲秦寧
府四年二月陞秦寧府爲秦寧路仍置秦寧縣四月以太

寧路隸遼陽省

遼陽省有大寧路疑太或當作大然二
年亦稱遼陽泰州則此必泰寧之誤 今

隸中書省未知改於何時

應昌路

全寧路

案特薛禪傳至元七年幹羅陳萬戶及其妃囊加

眞公主請于上都東北三百里荅兒海子本藩駐夏之地

建城邑以居遂名其城爲應昌府

卽紀是年八月設
應昌府官吏也

二十

二年改爲應昌路元貞元年公主又請以應昌路東七百

里駐冬之地勅建城邑成宗紀大德元年陞全州爲全寧

府七年陞全寧府爲全寧路

傳云大德元年名
其城爲全寧路誤

順帝至正

十四年復立應昌全寧二路先是有詔罷之以撥屬魯王

馬某沙王傅府至是有司以爲不便復之

寧昌路領縣一寧昌 案紀延祐五年置寧昌府至治二年

陞寧昌府爲下路增置一縣

廣平路磁州領四縣滏陽武安邯鄲成安 案紀元統二年

勅立武安縣廢立之故無攷

懷慶路憲宗七年改懷孟路 案紀至元二年以淇州隸懷

孟路此及淇州下俱失書

河閒路滄州 案紀至元二十五年以滄州之軍營城爲滄

溟縣延祐元年徙滄州治于長蘆鎮志失書徙治及滄溟

縣

濟寧路 案紀至元十三年置宣慰於濟寧路至正八年黃河決遷濟寧路于濟州十一年立中書分省于濟寧

山東東西道宣慰司 案紀至正六年改立山東東西道宣慰使司都元帥府又至大二年以益都濟南般陽三路寧海一州屬宣慰司餘並令直隸省部志惟益都隸宣慰餘俱隸廉訪

益都路金爲益都路總管府 案志失書元事據紀元亦爲益都路國初嘗置行省至元三年罷二十四年移濟南宣慰司治益都

沂州 案紀至正十六年置河南廉訪司于沂州

般陽府路淄州 案紀中統四年以淄登萊三州爲總管府

治淄州

新城 本長山縣驛臺太宗在潛以人民完聚期置曰新城以田索二鎮屬焉

案紀至元十九

年併淄萊路田索二鎮仍于驛臺立新城縣治當是復置

登州 案紀至正十一年立山東分元帥府于登州

寧海州 案紀至元二十八年以漣海二州隸山東宣慰司

海州當卽寧海州今隸廉訪司漣州之名則不見於志

世祖

紀漣州
屢見

河東山西道宣慰使司 案紀至元二十六年河東山西道

宣慰司治大同至大元年省河東宣慰司

大同路遼爲西京大同府 案紀至元元年十五年並有西
京宣慰司十九年罷至大元年以大同路隸中都留守司
中都罷後當
隸中書省

雲內州 案紀延祐六年置雲南縣隸雲內州

冀寧路 案紀至大元年冀寧晉寧二路隸中書省今隸河
東山西道肅政廉訪司

保德州 案紀大德元年陞隰州巡檢司爲河曲縣隸保德
州

晉寧路元初爲平陽路 案紀至元十八年平陽路松山縣
早志無松山名 上都路松山縣中

統四年陞松州

附錄

中都開寧路 案武宗紀大德十一年六月建行宮于旺兀察都之地立宮闕爲中都至大元年七月立中都雷守司兼開寧路都總管府十二月中都立開寧縣以大同路隸中都雷守司三年七月中都立光祿寺仁宗紀至大四年正月罷城中都四月罷中都雷守司

嶺北省和寧路 案紀大德二年置和林宣慰司都元帥府四年以和林都元帥府兼行宣慰司事

地理志二

遼陽省遼陽路至元六年置東京總管府 案紀至元三年

立東京廣寧懿州開元恤品合懶婆娑等路宣撫司十五年以征東元帥府治東京二十三年二月立東京等處行中書省三月徙東京行中書省于咸平府七月罷遼陽等處行中書省志皆失書二十四年立行尚書省志云行省亦略

蓋州 案五行志元貞元年六月蓋州明山縣螟志無明山名

懿州 案紀至正二年陞懿州爲路以大寧路所轄興中義州屬懿州

大寧路元初爲北京路 案紀至元二年正月有北京路行

省十一月宋子貞請罷北京行中書省別立宣慰司以控制東北州郡九年改北京行尙書省此當是罷後復立爲行中書

省十五年改北京行省爲宣慰司二十三年二月罷宣慰

司詳開元路注七月復置

龍山至元四年屬利州後復來屬案五行志元貞元年六月利州龍山

縣螟是元貞時尙隸利州也

義州 案紀至元七年以義州隸婆娑府志東寧路下作十三年至正

二年屬懿州

興中州 案紀至正二年屬懿州

開元路 案紀中統二年以開元路隸北京宣撫司四年罷

南漳 案紀至元十四年均州復立南漳縣今南漳屬襄陽

蘄州路至元十二年立淮西宣撫司

黃州路 案紀至元十四年置宣慰司于黃州

志云總管二府疑誤

十一年省黃州宣慰司入淮西道二十三年罷蘄黃宣慰

司以黃蘄隸湖廣行省

志云直隸行省不繫湖廣課

二十九年以蘄黃

隸淮西道隸河南省三十年改淮西蘄黃等路隸河南江

北行省大德三年罷淮西道宣慰司

廬州路無爲州巢縣

案紀至元二十三年降鎮巢府爲巢

州二十八年降巢州爲縣

六安州 案紀至元二十三年以六安隸淮西宣慰司

安豐路 案紀至正十二年置安豐分元帥府

霍邱 案紀元統二年立霍邱縣當是復立

安慶路錄事司 案紀大德元年設

揚州路 案紀至元二十六年徙江淮省治杭州改浙西道

宣慰司爲淮東道宣慰司治揚州卽志所云復立淮東宣慰也皇慶二年改淮東淮西道宣慰司爲淮東宣慰司至

正十二年立淮南江北等處行中書省治揚州轄揚州高

郵淮安滁州和州廬州安豐安慶蘄州黃州

眞州揚子縣 案紀至元二十八年移揚子縣治新城

淮安路泗州天長 案紀至正十五年立淮東等處宣慰使

司都元帥府于天長縣

安東州 案紀至元十二年置安東分元帥府

荆湖北道宣慰司 案百官志八至正十一年荆湖北道宣慰使司兼都元帥府

德安府 案紀至元三十年改德安府隸黃州路

元史本證二十四

光緒十五年徐氏鑄學齋重刊

上虞王士濟校

元史本證卷二十五

證遺二

蕭山汪輝祖 男繼培補

地理志三

陝西諸道行御史臺 案紀大德三年罷延祐二年復立

陝西省奉元路 案世祖紀歲癸丑憲宗二年立從宜府于京兆

至元三年改四川行樞密院爲行中書省百官志七是年移治利州紀五

年詔四川行省賽典赤自利州還京兆九年京兆復立行省十五年改京兆

府爲安西府十六年改京兆爲安西路志合二十七年立

行省于京兆百官志云自利州還京兆十八年京兆四川分置行省於

河西二十年罷京兆行省百官志云二十一年仍合爲陝西四川行省當卽此事而年分

本證二十五 證遺二 一 會稽徐氏重栞

互異

華州 案紀至元十二年復華州鄭縣志無鄭縣名

乾州武功縣 案紀至正四年復立武功縣廢復之故無攷

延安路安塞縣 案紀至治三年徙安塞當作塞縣於龍安驛

鄜州 案五行志二至正十九年鄜州并原縣大疫志無并

原名

興元路 案紀至元二年移秦蜀行省于興元又見八年至正十

五年立興元等處宣慰使司都元帥府于興元路

陝西漢中道肅政廉訪司 案紀延祐二年徙鳳翔

莊浪州 案紀延祐六年以莊浪巡檢司爲莊浪縣當以縣

屬州

鞏昌府至元十四年復行便宜都總帥府 案紀至元二十一年從汪惟正言仍于秦鞏州置便宜都總帥府二十五年改爲宣慰使司兼便宜都總帥府二十六年尙書省臣言鞏昌便宜都總帥府已陞爲宣慰使司以舊兼府事別立散府調官分治從之

臨洮府 案紀泰定元年更置臨洮總管府

隴州領縣二汧源汧陽 案紀延祐四年併汧源縣入隴州定西州 案紀至正十二年以地震改安定州十五年安定州改立軍民安撫司

會州 案紀至正十二年以地震改會寧州

河州路 案百官志三宣政院所屬有西夏中興河州等處

軍民總管府

洮州 案百官志七洮州路有元帥府

宣政院屬同

茂州汝川 案紀至大二年改松潘疊岩威茂州安撫司爲

宣撫司遷治茂州汝川縣

脫思麻路 案百官志七脫思馬

卽脫思麻

路有元帥府

宣政院屬作軍

民萬戶府

又有宣慰司見紀大德十一年

岷州 案百官志七岷州有元帥府

獨門魚通黎雅長河西寧

下脫遠字

等處宣撫司

案紀至元十

九年移成都宣慰司于礪門大德二年併土番礪門安撫

司運司改爲礪門魚通黎雅長沙當作河西寧遠軍民宣撫

司百官志三
作安撫司

禮店文州蒙古漢兒軍民元帥府

自河州以下至此多闕其餘如朶甘思烏思藏積石

州之類尙多載籍疎略莫能詳錄也

案紀至元九年立文州大德十一年

以禮店蒙古萬戶屬土番宣慰司非便命仍舊隸脫思麻

宣慰司防守陝州百官志宣政院屬有積石州元帥府百官

志七朶甘思田地裏管軍民都元帥府百官志七烏思藏作元帥府

納里速古魯孫等三路宣慰使司都元帥府又有十八族

元帥府及松潘客疊威茂州等處軍民安撫司後改宣撫司見上茂

州下客
上作岩

四川等處行中書省 案紀至元三年改四川行樞密院為
行中書省十八年京兆四川分置行省于河西百官志二
十三年始置四川行省署當作成都紀大德三年罷四川
等處行中書省置四川宣慰司都元帥府七年罷四川宣
慰司立四川行中書省

成都路 案紀中統四年以阿脫商挺行樞密院于成都凡
成都順慶潼川都元帥府並聽節制至元十六年以成都
等路為四川西道立宣慰司十九年移成都宣慰司於礪
門二十五年遷四川省治重慶復遷宣慰司于成都二十

七年四川行省舊移重慶復徙治成都大德二年徙重慶
府宣慰司都元帥府於成都

嘉定府路 秦紀至元二十二年復置嘉定路

廣元路元憲宗三年立利州治 秦百官志陝西四川行中

書省至元三年移治利州紀至元十六年以廣元十五年
等路爲四川北道立宣慰司十九年罷利州宣慰司作利州

保寧府巴州至元二十年併上下通江二縣入曾口 秦紀

至元二十九年廢新得州置通江縣

順慶路 秦紀至元十六年以順慶等路爲四川東道立宣

慰司十九年罷

渠州領二縣流江大竹 秦紀至元二十六年省流江縣入

渠州

潼川府 秦紀中統四年有潼川都元帥十五年潼川設宣

慰司

即十六年順慶宣慰司

永寧路 秦紀至元二十五年改西南番總管府爲永寧路

至正四年有永寧宣撫司

雲南麗江路延昌路並有永寧州

重慶路 秦世祖紀至元十六年重慶等路爲四川南道立

宣慰司二十五年遷四川省治重慶復遷宣慰使于成都

二十七年復徙四川南道宣慰司于重慶大德二年徙重

慶府宣慰司都元帥府于成都後至元四年立重慶路墊

江縣

南川 案紀至元十二年省重慶路隆化縣入南川志失注

瀘州合江 案紀至元二十八年改合江爲合江州

合州定遠

本宋地名女菁平元至元四年便宜都總帥部兵劫爲武勝軍後爲定遠州二十四年降爲縣

案世祖紀至元四年汪良臣請立寨母章德山以當釣魚之衝五年改母章德山爲定遠城武羣山爲武勝軍女菁萃當卽武羣山其不云改母章德山爲定遠城漏也

懷德府領州四 案紀至順二年四川行省招諭懷德府驢谷什用等四洞及生蠻十二洞皆內附詔陞懷德府爲宣撫司以鎮之諸洞各設長官司及巡檢司

夔路領縣二 案紀至元四年立夔府路總帥府戍開州二

十五年以清江縣隸夔路總管府

施州下云至元二十二年併清江縣入州紀所

書當是復置

梁山州 案紀中統三年以大梁府渠州路軍民總帥蒲元

圭爲東夔路經略使疑卽此梁山州元初曾爲大梁府也

敘南等處蠻夷宣撫司 案紀大德七年以敘州宣慰司改

敘州路 案紀至元二十二年復置敘州宣撫司二十三年

降敘州爲縣隸蠻夷宣撫司

馬湖路元至元十三年內附後立總管府 案紀立總管府

在至元十九年二十五年以沐川等五寨割隸嘉定者還

隸馬湖蠻部總管府後至元二年減馬湖路泥溪平夷蠻夷夷都沐川雷坡六長官司併爲三

長寧軍 案紀泰定二年改長寧軍爲州

四十六團蠻夷千戶所領豕蛾夷地在慶符向南抵定川古夜郎之屬唐羈縻定州之支江縣也 案紀至元二十年也速帶兒招撫筠連州定州等處蠻定州疑卽此

諸部蠻夷散毛洞 案紀至元三十一年散毛洞主覃順來貢方物陞其洞爲府至正六年降詔招諭死可伐散毛洞蠻覃全在叛招降之以爲散毛誓厓等處軍民宣撫使置官屬百官志七有散毛洞安撫司

大江九姓羅氏 案紀泰定三年湖廣行省遣九姓長官招
降叛蠻當卽大江九姓羅氏也

師壁洞安撫司 案紀至元二十八年賜師壁洞安撫司師
壁鎮撫所師羅千戶所印至正十一年師壁安撫司土官
田驥什用盤順府土官墨奴什用降立長官司四巡檢司
七

永順等處軍民安撫司 案紀至大三年以永順保靖南渭

按撫司改至正十一年改宣撫司

据紀則永順該保靖南渭而志以南渭州保靖

州屬新添葛蠻安撫司隸湖廣省當
是改永順等處軍民安撫司後分隸

新容米洞 案紀至正十年立四川容美洞軍民總管府卽

新容米洞

附錄

都掌蠻 案紀至元十五年內附以得蘭紐爲安撫使

鎮遠軍 案紀至元十九年阿里海牙復鎮遠軍以其地

與西川行省接就以隸焉

山齊蠻 案紀至元二十六年內附

黃沙寨 案紀至大三年立

四洞蠻夷官 案紀泰定四年紹慶路四洞酋阿者等降

並命爲蠻夷官仍設巡檢司以撫之

盤速出洞 案紀至順三年來貢方物

凡僅貢方物者不知曾否設官未敢

據補此與師壁散毛同貢散
毛師壁已見于志故並錄之

盤順軍民安撫司 案紀元統二年四川大盤洞蠻謀谷
什用遣男謀者什用來貢方物卽其地立盤順府至正
十五年罷府改司

紹熙府軍民宣撫都總使司 案順帝紀至元四年立百

官志入所隸資普昌隆下州四處盤石內江安岳紀至正元

年立四川安岳 昌元貴平下縣五處巡檢司一十三處
縣當卽此縣

六年罷

忠孝軍民安撫司 案紀至正十一年罷四川大奴管勾

洞長官司改立忠孝軍民府十五年改司

宣化鎮南軍民府 案紀至正十五年立百官志入作宣

化鎮南五路軍民府立提調軍民鎮撫所蠻夷軍民干

戶所

忠義軍民安撫司 案紀至正十五年罷四川羊母甲洞

臭南王洞長官司改立

甘肅省河西隴北道肅政廉訪司 案紀大德七年徙甘州

甘州路至元十八年立行中書省 案紀至元三年罷西夏

行省立宣慰司五年罷西夏宣撫司二十二年罷甘州行

中書省立宣慰司隸寧夏行中書省二十三年立甘州行

中書省

寧夏府路宋改中興府 案百官志中統二年立行省于中

興紀至元八年立西夏中興等路行尚書省

志注同

九年改

中興等路行尚書省爲行中書省十年罷中興等處行中

書省百官志二十三年徙置中興省於甘州

二十四年以中興府隸甘

肅行省

三十一年分省按治寧夏尋併歸之甘肅省

志注作元

貞元年

領州三 案紀至元十二年于中興路改置懷遠靈武二縣

分處新民志並佚

元史本證二十一十五

光緒十五年徐氏鑄學齋重刊

上虞王士濟校